



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 13. 2017

Kiko ta un akshon?

Parti 2

“ Ta hopi mas mihó di kumpra un kompania fantástiko na un preis rasonabel
ku kumpra un kompania rasonabel na un preis fantástiko.”

Warren Buffett

Esaki ta e di dos parti di kontinuashon di un seri di dos parti tokante Akshonnan. Parti 1, ku a diskutí e partinan fundamental di un akshon i e diferensia entre akshon komun i akshon preferente, ta disponibel na www.vertexinv.com òf na www.dcsx.com

Despues di a disidí ku bo tin un apetit pa akshonnan, ata aki algun tep pa tene na kuenta ora ta hasi negoshi:

1. Skohe kompanianan, no e hype rònt di nan: ora ta selektá un akshon, trata di kòrda ku e ta representá un porsentahe di un kompania berdadero operando un kaminda. Siñando tokante e kompania lo yuda bo disidí si e kompania ei lo ta eksitoso den futuro. Evaluá entre otro, e forsa i strategia di e gerensia, e produkto i servisionan di e kompania, su kompetidornan, i e posishon di e kompania den su industria.

2. Laga bo emoshonnan afo – Mirando e preis kai di un akshon ku bo ta poseé por generá hopi emoshon, asina tantu asta ku lo bo por ke bende. Sin embargo e bolsa di balor no ta lugá pa bo ta drif riba olanan di emoshon! Desishonnan ku bo tuma mester ta plantá den informashon i echonan!
3. Prepará pa pèrdidanán: Lo bo gana algun i lo bo pèrdè algun. Tene e echo na kuenta ku e preisnan di akshonnan ku bo ta poseé **por i lo baha**. Si esei sosodé, rekordá bo mes di e motibunán di kon bo a kumpra e akshon. Si e motibunán ta keda relevante, irrespekto e kaida di e preis, e ora ei bo desishon di kompra mester keda relevante te ainda.
4. No “time” e merkado, tratando di warda pa e preis di e akshon baha: ta kasi imposibel pa “time” e merkado. Trata en bes di esei di apliká téknikanan di invershon ku ta protehá kontra di flukuashonnan di preis. Puntra bo konsehero pa asistí bo ku e mihó téknika pa manehá riesgo, ku ta adekuá pa bo sirkunstansianan.
5. Hasi un anáalisis posterior di bo “trade” – sea ku e transakshon tabata eksitoso òf nò. Repasá kiko a pasa pa bo siña kiko di hasi i kiko di no hasi pa bo próksimo tradenan.
6. Bo por kumpra tambe un asina jama “makutu” – si bo ta insigur tokante kua akshon lo sobresalí òf si bo no ta masha sigur kon pa sigui, e ora ei bo por asta kumpra un “makutu di akshonnan”, manera un “índise”. Hasiendo esaki ta permití bo di balansá ganashinan ku pèrdidanán i asina plama bo riesgo. Al fin i al kabo lo bo ta mas kapas di identifiká ganadornan pa asina mehorá bo strategia pa futuro.
7. E no ta algu lihé - hasi negoshi ku akshonnan no ta pa drenta i sali lihé, na mi opinion, pero pa invertimentu riba plaso largu. Konstruí bo portafolio pokopoko over di tempu i trata di **no** konstantemente vigilá e kambionan den e preisnan di bo akshonnan. Si bo kòrda ku esaki ta pa término largu, e ora ei eventonan

superfisial di korto término no mester tin un impakto riba bo desishonnan di trading.

Kompañá nos pa e próximo publikashon unda nos lo diskutí bononan.

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki ta wòrdu presentá na bo pa DCSX ku kolaborashon di Vertex Investments . Outor di e publikashon aki: Stephanie Shaw CFA, MBA.



dcsx.cw



vertexinv.com